

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՍԱՀՄԱՆԱԿԱՆ ԴՐՈՒՄԻ ՄԱՍԻՆ
 ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՍԱՀՄԱՆԱԿԱՆ ԴՐՈՒՄԻ ՄԱՍԻՆ
30 ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ (26 ՀԱՅԱՍՏԱՆ 530) ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՍԱՀՄԱՆԱԿԱՆ ԴՐՈՒՄԻ ՄԱՍԻՆ,
 ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՍԱՀՄԱՆԱԿԱՆ ԴՐՈՒՄԻ ՄԱՍԻՆ

Այսպես, երկրի տարբեր երկրամասերում բնակչության հետ համապատասխան գերատեսչությունների ղեկավարների ու պատասխանատու անձանց հետ հանդիպումներ է անցկացնում կառավարող «Վրացական երազանք» կոալիցիայից նախագահության թեկնածու Գիորգի Մարգվելաշվիլին: Նրա նախընտրական ծրագիրը, որոշակի ճշգրտումներով հիմնականում ընդգրկում է բոլոր այն խոստումները, որոնք դեռևս անցյալ տարվա խորհրդարանական ընտրություններին առաջարկում էր «Վրացական երազանք» կոալիցիան:

Նախորդ իշխանության կողմից իրականացված բարեփոխումները, առաջիկայում իրականացվելիք, հիմնականում սոցիալական բնույթի փոփոխությունները այն հիմնական թեմաներն են, որոնց վրա հիմնված է «Միասնական ազգային շարժման» կողմից նախագահության թեկնածու առաջադրված Դավիթ Բաքրաձեի քարոզարշավը:

«Ժողովրդավարական շարժման» նախագահության թեկնածու Նինո Բուրջանաձեն, իր նախընտրական ծրագրում սոցիալական թեմաներից բացի, շեշտը դնում է նաեւ երկրի արտաքին քաղաքական կուրսի ճշգրտման եւ երկրում արդարության վերականգնման վրա: «Քրիստոնեա-ժողովրդավարական շարժման» լիդեր Գիորգի Թարգամաձեն փորձում է ընտրողների համակրանքը շահել այնպիսի «հրատապ» թեմայի արծարծմամբ, ինչպիսին միասեռ ամուսնության արգելումն է: Ավելին, նրա նախաձեռնությամբ, քրիստոնեա-ժողովրդավարները նույնիսկ այդ պահանջով ստորագրահավաքի արշավ են անցկացնում:

Շարունակում է իրեն հավատարիմ մնալ Լեյբորիստական կուսակցության լիդեր Շավա Նաթելաշվիլին: Նրա մոտ փոխվել է միայն քննադատության օբյեկտը, մնացած հարցերում նույն բարձրագույն հայտարարություններն են եւ նույնիսկ ամենամիամիտ ընտրողի համար հասկանալի, անիրականանալի, անիրատեսական խոստումները:

Նախագահության անկախ թեկնածու Նեստան Կիրթաձեի, ինչպես նաեւ մինչեւ այդ հինգ անգամ նախագահական ընտրություններին մասնակից Քարթլու Ղարիբաշվիլու քննադատության առարկան ներկայիս եւ նախկին ղեկավարությունն է, տրված խոստումներն էլ, մեղմ ասած, իրենց անիրատեսությամբ, որոշակի զարմանք են հարուցում: Սակայն, ըստ իս, գլխավորը դա չէ: Ըստ երեւոյթին, նախագահության բոլոր թեկնածուներն իրենց քարոզարշավի հիմքում ընդունել են այն հանգամանքը, որ ընտրողների մեծամասնությունը, ինչպես առաջներում, կրկին համոզված է, որ երկրի նախագահից շատ բան է կախված: Սակայն չպետք է մոռանալ մի նշանակալի հանգամանք. Վրաստանի նախագահ Միխեիլ Սաակաշվիլու նախաձեռնությամբ դեռևս անցյալ տարի իրականացված սահմանադրական փոփոխությունների համաձայն, այս տարվա հոկտեմբերի 27-ին նշանակված ընտրություններից հետո երկրի նախագահը զրկվում է արտաքին եւ ներքին քաղաքականությունը ղեկավարելու, այն կառավարելու իրավունքից: Նա մնում է երկրի ղեկավար, երկրի միասնության եւ ազգային անկախության երաշխիք, որը սահմանադրությամբ վերապահված իրավասությունների շրջանակներում ապահովում է

պետական տարբեր մարմինների գործառնությունները: Նա շարունակում է մնալ երկրի զինված ուժերի գլխավոր հրամանատարը, եւ Վրաստանը ներկայացնելու է արտաքին հարաբերություններում: Թեպետ, ինչպես նշվեց, նա զրկվում է երկրի ներքին եւ արտաքին քաղաքականության վրա էական ազդեցություն գործելու հնարավորությունից: Նրա այդ իրավասությունները փոխանցվում են կառավարության ղեկավարին, որն էլ, փաստորեն, կանխագծելու է երկրի ինչպես արտաքին, այնպես էլ ներքին քաղաքականության վեկտորը: Ելնելով վերոնշյալից, ուղղակի զարմանք են պատճառում նախագահության առանձին թեկնածուների կողմից բարձրաձայնվող առանձին խոստումները: Դժվար է հավատալ, որ թեկնածուները, իրենք չեն ընկալում ստեղծված հակասությունը, սակայն, եթե հասկանում են եւ դա անում են գիտակցաբար, ապա, չեն կարծում, որ մնան նախագահը երկրին կարող է օգտավետ լինել: